



REPUBLIKA E KOSOVËS
REPUBLIKA KOSOVA - REPUBLIC OF KOSOVA
KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION

TV Llapi
Rexhep Zebica
Drejtor
Podujevë



VENDIM

**Lidhur me Rastin Nr. 2023/157 – Komisioni i Pavarur i Mediave (KPM) për TV Llapi
(Pala Përgjegjëse)**

Faktet

1. Pala përgjegjëse me datën 14 prill 2018, është pajisur me licencë të KPM-së me seli në Podujevë. Me marrjen e Licencës Pala përgjegjëse është e obliguar që të respektojë Ligjin e KPM-së, Kushtet dhe Termet e Përgjithshme të Licencës si dhe aktet tjera nënligjore të nxjerra nga KPM.
2. KPM me datën 17 dhjetor 2021 ka nxjerrë Rregulloren KPM-2021/01 për Ofruesit e Shërbimeve Mediale Audio dhe Audiovizuale. Me këtë Rregullore përcaktohen kriteret, të drejtat dhe obligimet për ofruesit e shërbimeve mediale, pa marrë parasysh mënyrën e transmetimit në Republikën e Kosovës, me qëllim të garantimit të mbrojtjes së pluralizmit medial dhe interesit publik, si dhe të mundësohet garë e drejt dhe e barabartë në tregun medial në Republikën e Kosovës.
3. Me datë 14 prill 2017, Komisioni i KPM-së mori Vendim që t'i lëshoj licencë Palës përgjegjëse për të vepruar si ofrues i shërbimeve mediale, përmes operatorëve të shpërndarjes në Republikën e Kosovës.
4. KPM duke u bazuar në faktin se Pala përgjegjëse ka bërë ndryshime në pronësi, me datën 18 prill 2023, i ka dërguar shkresë përmes të cilës e ka njoftuar për shkeljet e bëra lidhur me ndryshimin e pronësisë pa miratim paraprak me shkrim nga KPM- ja.
5. Pala përgjegjëse me datën 5 tetor 2023, ka dorëzuar kërkesën për ndryshim të pronësisë në KPM, ku në certifikatën e regjistrimit të biznesit Pala përgjegjëse, me numër unik identifikues 810776974 (figuron edhe numri i mëparshëm i biznesit 713601101– ndryshimi i numrit të biznesit ka ndodhur sipas aplikimit të numrit unik identifikues nga ARBK), vërtetohet se pronësia ka kaluar nga personi juridik Invest Group SH.A. me numër unik identifikues 811368522 (figuron edhe numri i mëparshëm i biznesit 71049620), me pronar me z. Rexhep Zebica, tek biznesit si personi juridik Palë përgjegjëse, me numër unik identifikues 810775033, me pronar z. Besfort Maloku. KPM, bazuar në Raportin e departamentit të licencimit të datës 27 tetor 2023

ka konstatuar se Pala përgjegjëse ka bërë ndryshim të pronësisë në certifikatën e regjistrimit të biznesit pa miratim paraprak të KPM-së, duke vepruar kështu në kundërshtim me Ligjin e KPM-së, Kushtet dhe Termet e Përgjithshme të Licencës dhe Rregulloren KPM-2021/01 për Ofruesit e Shërbimeve Mediale Audio dhe Audiovizuale.

Analiza ligjore

6. Komisioni bazuar në të gjitha faktet dhe analizat e lartpërmendura konstaton se Pala përgjegjëse ka vepruar në kundërshtim me Ligjin e KPM-së, Kushteve dhe Termeve të Përgjithshme të Licencës, dhe Rregullores KPM-2021/01 për Ofruesit e Shërbimeve Mediale Audio dhe Audiovizuale.

7. Pala përgjegjëse ka vepruar në kundërshtim me nenin 21 paragrafi 3, i Ligjit të KPM-së, i cili përcakton se:

“Licencat nuk mund të shfrytëzohen dhe barten pa autorizimin dhe pa aprovimin paraprak me shkrim të KPM-së.”

8. Në kundërshtim me nenin 18, të Rregullores për Ofruesit e Shërbimeve Mediale Audio dhe Audiovizuale KPM – 2021/01, i cili përcakton se:

“ Licencat nuk mund të shfrytëzohen dhe transferohen pa autorizim dhe pa aprovim paraprak me shkrim nga KPM”.

9. Në kundërshtim me nenin 5, paragrafin 5.2, dhe paragrafin 5.3, të Kushteve dhe Termeve të Përgjithshme të Licencës së KPM-së, i cili përcakton se:

5.2 “Transferimi ose Dorëzimi i Licencës: I licencuari nuk mund të transferojë ose dorëzojë këtë licencë pa miratimin paraprak me shkrim të KPM-së. Çdo ndryshim në pronësi që kap më shumë se 10% të aksioneve të interesave ose ato që ndikojnë shumë në kontrollin e të licencuarit do të kërkojnë paraprakisht miratim me shkrim nga ana e KPM-së.”

5.3 “Leja për transferimin: KPM do të lejojë transferimin e licencës vetëm kur ajo sigurohet që individi ose organizata të cilët propozohen që t’iu transferohet licenca plotësohen standardet e KPM-së për t’iu dhënë ajo licencë. Në bazë të mandatit të saj, KPM mund të kërkojë që çdo transferim i një licence tek një pronësi e re t’i nënshtrohet procedurave të rregullta për të siguruar që një transferim i tillë është në pajtueshmëri me të gjitha rregulloret e KPM-së.”

10. KPM bazuar në Raportin e departamentit të Licencimit ka konstatuar se Pala përgjegjëse edhe përkundër shkresës se datës 18 prill 2023, ka bërë ndryshim të pronësisë në certifikatën e regjistrimit të biznesit pa miratim paraprak me shkrim nga KPM-ja.

11. KPM duke u bazuar në faktet dhe analizat e lartpërmendura konstaton se Pala përgjegjëse ka vepruar në kundërshtim me nenin 21 paragrafin 3, të Ligjin e KPM-së, nenit 18, të Rregullores


për Ofruesit e shërbimeve Mediale Audio dhe Aidi vizuale-KPM-2021/01, nenin 5 paragrafin 5.2, dhe paragrafin 5.3 të Kushteve dhe Termeve të Përgjithshme të Licencës.

Vendim

12. Pala përgjegjëse të sanksionohet me **Gjobë** në shumën prej dymijë (2.000) euro në pajtim me 30 paragrafi 1.3 të Ligjit të KPM-së, për shkeljet të vazhdueshme të nenit 21, paragrafin 3, të Ligjin të KPM-së, nenin 18 Rregullores për Ofruesit e shërbimeve Mediale Audio dhe Aidi vizuale-KPM-2021/01, nenit 5, paragrafin 5.2, dhe paragrafin 5.3 të Kushteve dhe Termeve të Përgjithshme të Licencës.
13. Pala përgjegjëse, obligohet që në afat prej pesëmbëdhjetë tridhjetë (30) pas pranimit të këtij Vendimi ta plotësoj kërkesën me dokumentet për ndryshim në pronësi, ashtu siç është e përcaktuar me nenin 21, paragrafin 3 të Ligjin të KPM-së, nenin 18, Rregullores për Ofruesit e shërbimeve Mediale Audio dhe Aidi vizuale-KPM-2021/01, dhe nenit 5, paragrafin 5.2 dhe paragrafin 5.3, të Kushteve dhe Termeve të Përgjithshme të Licencës.

E drejta për ankesë

14. Ankesat i parashtrohen Bordit për Ankesa brenda tridhjetë (30) ditësh nga pranimi i vendimit të KPM-së në pajtim me nenin 29, paragrafi 5, të Ligjit të KPM-së. Ankesa bëhet me shkrim dhe duhet të përcillet me dokumente ose dëshmi që mund të kërkohen nga Bordi i Ankesave në pajtim me nenin 42, paragrafi 2, të Ligjit të KPM-së.
15. Bordi për Ankesa do t'i merr parasysh vetëm ankesat e bazuara në informacione ligjërish të relevante të cilat nuk ishin të disponueshme në kohën e marrjes së vendimit të KPM-së, apo të bazuara në mundësi se ekzistonte gabim procedural dhe material i bërë nga ana e KPM-së gjatë marrjes së vendimit.



Jeton MEHMETI
Kryetar

24.11.2023

Datë

